

玉

海

十五

玉海卷第二十八

浚儀王應麟伯厚甫

聖文

御集

漢武帝集

漢志高文有傳上所自造賦二篇

注武帝

武紀贊

號令文章煥焉可述後嗣得遵洪業而有三代之風
儒林傳詔書律令下者文章爾雅訓辭深厚

史記

封禪書索隱曰顧嗣案武帝集

隋志武帝集一卷

梁二卷

唐志二卷

洪河闡珍八卦畫于包羲演洛呈祥九疇敘乎夏禹
帝王文章權輿於斯魏乎有堯與天同大煥乎之文
著焉皇乎有周獨盛中古郁乎之文備焉英華發於
和順之積輝光著於篤實之充自然而然無所容心
如日月星辰之麗天山川草木之附地而已逮茲以
降則有西都號令文章煥然可述史氏稱焉故武帝
之文則以集著 宓羲有八卦之畫黃帝有丹書之
文文王有六爻之重漢之高帝所述有書天子所服
具有典式神爵之君僅能遵用華編成帙後世亡詒
焉孝武右文紀述至富哀爲鉅集乃出後代秋風之

辭柏梁之韻所可見者如是而已

魏文帝集

文帝以著述爲務自所勒成垂百篇天資文藻下筆成章博聞強識才藝兼該

唐志魏武帝集三十卷

文帝集十卷明帝集十卷

中興書曰文帝集六卷

賦詩各二書表詔一雜文一

隋志十卷梁二十三

卷

今所存止此

文帝八歲能屬文有逸才博貫古

今

隋志魏武帝集二十六卷梁三十卷武帝逸集

十卷

新撰十卷

唐志晉明帝集五卷簡文帝集五

卷宋武帝集二十卷文帝集十卷梁武帝集四十卷

簡文集九十卷

南史武帝制贊序詔
詰諸文百二十卷

唐太宗集

志丁部別集七百三十六家七百五十部七千六百

六十八卷太宗集四十卷 中興書目唐太宗詩一

卷凡六十九首舊唐志太宗集三十卷今集止此

崇

文目一卷

通鑑貞觀十二年三月辛亥著作郎鄧

世隆表請集上文章上曰人主患無德政文章何爲

不許

貞觀政要十一年著作佐郎鄧崇表請

鄧世

隆傳帝嚮學多屬文賦詩天格瞻麗意悟冲邁十三

年請加集錄帝謙不許 房立齡表云留情典墳屬

意篇什筆邁鍾張詞窮賈馬文鋒旣振宮徵自諧

太宗帝京篇巖廊罷機務崇文聊駐輦玉匣啟龍圖
金繩披鳳篆韋編斷方續縹帙舒還卷

唐立宗集 開元御集

志高宗集八十六卷中宗集四十卷睿宗集十卷立

宗集卷亡 集賢注記開元二十年二月敕院內修

御集學士韋述徐安正專其事竟不成 張說傳帝

好文辭有所爲必使視草 徐楚璧開元中書舍人帝屬文

多令視草 立宗釋孝經注老子刊月令述訓戒銘

泰華集誠子之書撰文字之音 張說云藝總六經

王
海
卷
二
十
八
三
漢光之學也文通三變魏祖之才也緣情定制五禮之本也洞音度曲六樂之宗也聖於翰墨倉頡之妙也
中興書目明皇詩一卷凡五十七首

唐德宗集

志卷七 劉禹錫曰貞元中天子之文章煥乎垂光
慶霄在上萬物五色 上方嚮文章昭回之光下飾
萬物 舊紀天才秀茂文思雕華灑翰金鑾無愧淮
南之作屬辭鉛槧何慙隴底之書文雅中興負高前
代

唐帝王正位文章

志總集類集古今帝王正位文章九十卷

淳化祕閣御製

元年七月丁酉以御製祕藏詮十卷逍遙詠十一卷
祕藏諸雜詩賦十卷佛賦一卷幽隱律詩四卷懷感
一百韻詩四卷懷感迴文五七言詩一卷凡四十一
卷藏於祕閣

咸平新編太宗御集

咸平三年二月壬子翰林侍讀學士呂文仲上新編
太宗御集三十卷詔藏祕閣錄別本藏三館
文仲傳
云受詔集太宗歌詩爲三十卷

王海卷二十八
四
祥符宸章集

祥符三年四月丁巳龍圖待制陳彭年奉詔纂歷代帝王集凡正統十五卷閏位十卷上作序賜名宸章集詔褒彭年書目三十五卷自舜訖唐上嘗謂近臣曰朕欲集前代帝王文章令陳彭年纂錄自虞舜元首薰風詩而下已成數卷此編次尤難蓋散在羣籍非廣讀不能見也

祥符太宗御書 君臣賡載集 朱邸集

文明政化

初咸平三年二月壬子呂文仲上御集三十卷詔藏

祕閣三館至祥符五年八月丁巳龍圖學士陳彭年
表上奉詔編錄太宗御集四十卷君臣賡載集三十
卷朱邸集十卷文明政化十卷祕藏銓三十卷蓮華
偈逍遙詠金剛經疏禪樞要緣識至理篇迴文詩心
輪圖共五十五卷九弦琴譜二十卷五弦阮譜十七
卷棋勢圖譜各一卷請付中書門下詳校從之庚申
詔奉安于太清樓資政殿崇文院祕閣西京三館各
一本御撰文字總十八部合二百十四卷

詔進彭年

階勳賜金帛校勘官劉鋹王夷簡韓義並加一階十

二月丙辰出新編太宗御製文集及御書法帖目一

卷凡十五部總三百三十六卷以示輔臣曰先帝嗜
學實由天縱屬思援翰必極精妙朕孜孜尋訪文詞
筆札殆無遺逸

龍圖閣御集見閣類

書目朱邸集

五卷太宗潛藩御製陳彭年編錄以歌行六十五首
爲一卷柳枝詞五十二首漁人詞五十首爲一卷七
言絕句百二十八首爲一卷七言詩百三十四首爲
一卷五言詩百五十二首爲一卷 天禧二年正月
壬寅奉安太宗文集于昭應宮先猷殿翌日奉安御
集于繼文殿

祥符太宗游藝集 法音前集 御製樂

章 慶曆後序

祥符六年四月巳卯召輔臣對於龍圖閣宣示太宗
游藝集御製游藝集後序太宗萬國朝天平晉二樂
章御製樂章五首法音前集七卷仍賜王旦等各一
本詔太宗聖製曲名三百九十首并九絃琴五絃阮
譜字變絃法并調弄操引名共三百三十六首付修
史院及太樂局又詔太宗聖製萬國朝天樂曲宜曰
同和之舞平晉曲曰定功之舞二曲雅樂譜并樂章
令太常禮官參議於郊廟祭饗遞用 眞宗取太宗
御製樂譜棋圖歌詩爲游藝集凡百二十卷 仁宗

王海卷二十八
慶曆八年三月甲寅幸龍圖天章閣觀游藝集命侍
講曾公亮重加詳校及親爲後序以示羣臣 太宗
洞知音律製大曲十八平戎破陣以下是也曲破二
十九宴釣臺是也小曲二百七十一陽生以下是也
新聲五十八傾盃樂以下是也凡三百九十曲 淳
化二年閏二月巳丑內出御製獨飛天蛾大海求明
珠二棋勢示三館學士皆不能曉上召裴愈授以指
妄

祥符太宗御製御書目錄

六年正月賜王旦等

見後聖文神筆頌

太宗御集

四十卷目一卷朱邸集十卷目一卷至理動懷篇一
卷文明政化十卷逍遙詠十卷緣識五卷祕藏詮三
十卷禪樞要三卷蓮花心輪迴文偈頌二十五卷心
輪圖一卷注金剛經疏宣演六卷迴文詩四卷君臣
賡載集三十卷目二卷棋譜圖三卷琴譜二卷九絃
琴譜二十卷五絃阮譜十七卷凡百一十九部總二
百一十八卷龍閣太清樓御書院祕閣各藏一部副
本二千一百四十八部總萬四千五百八十六卷文
集中錄出歌詩文賦別行總千四十四卷分藏于龍
圖閣御書院至理動懷篇至惠化行並文集中錄出

別行十二願至百官曆子序刻板于御書院心輪圖
大言賦並錄出別行筆法歌至日行誠刻石于御書
院祕閣贊刻于祕閣趙普碑在河南平晉記詩賦刻
石并州 祥符二年十一月甲寅遣使以太宗御製
御書各六十二卷賜輔臣人一本皆未敝示於外者
三年四月丁巳翰林侍讀學士郭贊上太宗在藩聖
製及應教次韻詩四卷先是贊事晉邸太宗凡有贊
詠多令繼屬贊悉藏於家入直禁中以獻詔獎之凡
年閏六月甲辰詔以太宗御製妙覺集五卷編入
藏九年正月庚午趙安仁錄妙覺集歌詩爲一卷名

妙覺祕詮錄聖製法音集論頌贊詩爲三卷名法音
指要

祥符靜居集 玉宸集 維城集

六年八月丙戌出御製靜居集三卷丁亥出法寶錄
序示王旦等七年六月己未晁迥等以御製靜居玉
宸集太宗御書羣書記副本於祕閣奉藏從之 書
目靜居集三卷玉宸集五卷法音集七卷又維城集
三卷眞宗在藩邸與諸王洎僚屬唱和詩始於晚春
一章終於新創假山書洞贊

祥符集御製文頌歌詩 館閣聖製

見御詩

祥符八年二月辛酉聖製文集賜玉清昭

應宮

九年六月乙未上曰唐朝諸帝皆有文然厚

重高簡明皇爲最德宗文甚精而性剛不聽納

天禧御製文論歌詩

見觀書

天禧明良集

天禧二年九月癸酉龍圖閣待制李虛已上奉詔集

羣臣所和御製詩爲明良集五百卷詔賜器幣

當參攷御

詩類
目在總集崇文

進明良集表云漢朝洪藻惟聞柏殿

之短章唐室多文獨載景龍之方冊洪惟盛世倍越